

Nga eka e tohu-
tohungia ana hei
hoatutanga.

KUPU APITI.

	A.	R.	P.
Tutu te Hihi (o Parihaka)	16	0	0
Wiremu Dix, Makarini Dix, Ihipera Dix, Manuera Dix, Hana Dix, Marana Dix, Pohe Dix, Ema Dix, Wehe Dix (tamahine a Retimana Dix kua mate nei) (Kai-riiwhi, hea riterite, mo te paanga o Ngahiri Pahuru)	16	0	0
Reriti	16	0	0
Nga Tau	16	0	0
Reta Pamariki, me Kuramonehu (Kai-riiwhi mo Wikitoria Patea, hea riterite) ..	8	0	0
Tamihana Patea (Kai-riiwhi mo Rutu Patea)	8	0	0
Rihia Kawhe, Hariata Kawhe, Apia Kawhe, me Peti Kawhe (Kai-riiwhi mo Wikitoria Kawhe, hea riterite)	16	0	0
Maikara Ngamate, Temihana Ngamate, Te Wari Ngamate, me Retimona Ngamate (Kai-riiwhi mo Ngamate, hea riterite)	16	0	0
Rihania, me Riaki te Wharepa (Kai-riiwhi mo Wharepa, hea riterite)	16	0	0
Tipuna Uia (Kai-riiwhi mo Toenga)	16	0	0
Himiona	16	0	0
Ngaki, Unaiki, Remihana, me Tapae (Kai-riiwhi mo Taepae, hea riterite)	16	0	0
Hui katoa	176	0	0

29 o Hune, 1905.

HEMI MAKE, Komihana.

KUPU APITI A.

Nama 1. 3

KOMIHANA.

PLUNKET, Kawana.

Ki nga tangata katoa e tae atu ai ki a ratou tenei pukapuka, a ki a JAMES MACKAY, Esquire, o Paeroa, Akarana.

NOTEMEA i runga i "Te Ture Uiui mo nga Whenua i riro i te Raupatu, Whakawa hoki mo nga Herehere Maori, 1879," whakaritea ana *inter alia* me ahei te Kawana i roto i tona Kaunihera i runga i te Komihana i whakaputaina i raro i te hiiri o te koroni, ki te whakatu i etahi tangata kia tokotoru hei Komihana hei uiui i nga whakaaetanga i nga whakariteritenga i mahia, e kii ana ranei i mahia, e te Kawanatanga o te koroni, e te taha ranei ki a ia, ratou ko tetahi tangata ko etahi tangata ranei mo nga take e huaina nei i roto i taua Komihana, mo etahi ranei o aua take, e pa ana ki nga whenua e takoto ana i roto i te takiwa i raupatutia o te tai hauauru o te Motu o Aotearoa: A notemea i runga i tetahi Komihana i whakaputaina i raro i te ringa o Sir Hercules George Robert Robinson, te Kawana i taua wa o te koroni, i tuhia i te rua-tekau o nga ra o Hanuere, kotahi mano e waru rau e waru tekau, whakaturia ana te Honore Sir William Fox, K.C.M.G., te Honore Sir Francis Dillon Bell, K.C.M.G., ratou ko Hone Mohi Tawhai, Esquire, M.H.R. (ka huaina i raro nei ko aua Komihana), hei Komihana i raro i nga tikanga o taua Ture kua huaina ake nei: A notemea i runga i tetahi atu Komihana i whakaputaina i raro i te ringa o te Honore Sir Arthur Hamilton Gordon, K.C.M.G., te Kawana i taua wa o te koroni, i tuhia i te rua-tekau-ma toru o nga ra o Tihema, kotahi mano e waru rau e waru tekau, whakaturia ana taua Sir William Fox (ka huaina hoki i raro nei ko aua Komihana, haunga ia ki te rere ke te tikanga o nga kupu o roto i tenei pukapuka), hei whakatutuki i nga tikanga o "Te Ture Whakatau mo te Tai Hauauru (Aotearoa), 1886," a hei Komihana *inter alia* hei whakarite hei wehe i etahi whenua e takoto watea ana i nga tikanga o te ture hei whakaea i nga whakataunga a nga Kooti Compensation i tu i raro i nga tikanga o "Te Ture Whakanohonoho Kainga ki Niu Tirenī, 1863," i raro ranei i ona whakatikatikanga, mehemea i runga i tona whakaaro kaore ano aua whakataunga etahi ranei o aua whakataunga i ea, ara, kei te tarewa tonu i taua wa; a i roto i nga rohe o taua takiwa whenua, hei whakarite hei wehe i etahi whenua e takoto watea ana i nga tikanga o te ture i roto i taua takiwa whenua, hei whakaea i nga whakaaetanga i nga whakaritenga ranei a te Karauna, a etahi tangata ranei mo te taha ki te Karauna, a te Kawanatanga ranei o te koroni kua uru nei i mua hei uiuinga ma nga Komihana i whakaturia i raro i nga tikanga o "Te Ture Uiui mo nga Whenua i riro i te Raupatu, Whakawa hoki mo nga Herehere Maori, 1879": A notemea ko aua Komihana, i roto i a ratou ripoata i perehitia ki roto ki nga Pukapuka Paremete G.-2, 1880; G.-5, 1881; G.-5, 1882; G.-5c, 1882; G.-3, 1883; A.-5A, 1884; me A.-5B, 1884, kua tohutohu, i roto i etahi atu mea, ko te poraka whenua e mohiotia ana ko Tekiona 6, Poraka VIII, Takiwa Ruri o Waitara, tona nui e 3,000 eka, hira ake iti iho ranei, me wehe hei whakaea i nga kereme a era o nga tangata ngaro o te Hapu o Ngatimutunga kaore nei i uru ki roto ki nga rahui mo taua iwi, a kaore nei ranei i whakaeangia a ratou kereme: A notemea ko tetahi wahine ko Heni te Rau, e kereme ana koia te mangai tika i runga i te ture o nga tangata kei te ngaro o te Hapu o Ngatimutunga kua huaina ake nei; a, i runga i te pitihana ki te Paremete, kua tono ia kia hoatu taua poraka whenua ki nga Maori i whakaritea ai mo ratou aua whenua e aua Komihana, hei whakaea i a ratou